

# BONUS ULANG KAJI KILAT

## BAHASA MELAYU KERTAS 1 (UPSR)

### 1. Mengenal pasti kata ganti nama diri mengikut kategori.

- i)* Kata Ganti Nama Diri Pertama (*orang yang bercakap* 说者)  
*Contoh: saya, aku, patik, beta, hamba, kami, kita*
- ii)* Kata Ganti Nama Diri Kedua (*orang yang mendengar* 听者)  
*Contoh: awak, engkau, kalian, anda, tuanku, tuan hamba*
- iii)* Kata Ganti Nama Diri Ketiga  
*(orang yang tidak berada di tempat kita bercakap* 不在场的人)  
*Contoh: dia, mereka, beliau, baginda, -nya, ia*

#### Kata Ganti Nama Laras Bahasa Istana (soalan berkaitan sultan)

patik  
 beta  
 tuanku  
 baginda

#### Tips:

*titah* 在后面 = *beta*

- \* 过了 imbuhan di 什么.....oleh 不可以用第一和第二代名词。
- \* 要看谁跟谁讲话才可以找出答案。

## 2. Nyatakan 4 jenis ayat berserta contoh.

- i) Ayat Penyata  
*Contoh ayat: Saya akan pergi ke Johor Bahru pada hari Ahad ini.*
- ii) Ayat Perintah  
*Contoh ayat: Jangan berlari di kawasan ini.*
- iii) Ayat Tanya  
*Contoh ayat: Mengapakah Alvin tidak datang ke sekolah pada hari ini?*
- iv) Ayat Seruan  
*Contoh ayat: Wah, tingginya bangunan itu!*

## 3. Tuliskan formula ayat aktif dan ayat pasif serta berikan contoh ayat.

- i) **Ayat aktif:** OKOK= Orang+Kata Kerja+Objek+Keterangan@1234  
*Contoh ayat: a) Ibu mencuci baju itu di dalam bilik air.  
b) Saya mencuci baju itu di dalam bilik air.*
- ii) **Ayat pasif:** 3214 (Kata nama & kata ganti nama diri ketiga)  
*Contoh ayat: Baju itu dicuci oleh ibu di dalam bilik air.*
- iii) **Ayat pasif:** 3124 (Kata ganti nama diri 1&2)  
*Contoh ayat: Baju itu saya cuci di dalam bilik air.*

#### 4. Tulis ayat songsang berdasarkan ayat aktif (biasa) yang diberikan.

Susunan Ayat Biasa		
Subjek (1)	Predikat (2)	Keterangan (3)
Abang	membeli nasi lemak	di gerai itu.
Ayat Songsang (4 pilihan)		
<b>2+3+1</b>	Membeli nasi lemak di gerai itu abang.	
<b>2+1+3</b>	Membeli nasi lemak abang di gerai itu.	
<b>3+1+2</b>	Di gerai itu abang membeli nasi lemak.	
<b>3+2+1</b>	Di gerai itu membeli nasi lemak abang.	

#### 5. Bina ayat dengan peluasan predikat.

**Ayat:** Alvin dan kawan-kawannya bermain bola.

**Jawapan:** *Alvin dan kawan-kawannya bermain bola dengan gembiranya di padang.*

#### 6. Soalan kata tanya dan jawapan.

**Soalan 1:** Tulis jawapan bagi soalan yang ditanya.

a) Mengapakah Kelvin tidak datang ke sekolah pada hari ini?

**Jawapan:** Kelvin tidak datang ke sekolah pada hari ini kerana sakit perut.

b) Siapakah yang akan merasmikan majlis itu?

**Jawapan:** Guru besar yang akan merasmikan majlis itu.

\*\*\*\*\*

**Soalan 2:** Bina soalan berdasarkan jawapan yang diberikan.

a) **Bilakah kamu akan pergi ke Kuala Lumpur?**


Jawapan: Saya akan pergi ke Kuala Lumpur pada cuti sekolah yang akan datang.

b) **Mengapakah kita perlu belajar dengan tekunnya?**

Jawapan: Kita perlu belajar dengan tekunnya supaya mendapat keputusan yang cemerlang dalam peperiksaan.

## 7. Soalan peribahasa berpandukan gambar / tuliskan peribahasa yang sesuai berdasarkan pernyataan yang diberikan / melengkapkan frasa supaya menjadi peribahasa yang lengkap.

a) Tulis peribahasa yang sesuai berdasarkan gambar.



Peribahasa yang sesuai berdasarkan gambar ialah ***bagai tikus membaiki labu.***

b) Tuliskan peribahasa yang sesuai berdasarkan pernyataan yang diberikan.

kaki bangku	kaki ayam	kera sumbang	panjang tangan
-------------	-----------	--------------	----------------

i) Kamil tidak suka bergaul dengan kawan-kawannya di sekolah.	<b>kera sumbang</b>
ii) Kok Keong tidak pandai bermain bola sepak. Dia selalu diejek oleh rakan-rakannya.	<b>Kaki bangku</b>

c) Lengkapkan frasa berikut supaya menjadi peribahasa yang lengkap.

- i) Bagai kacang lupakan kulit
- ii) Bagai pinang dibelah dua

## 8. Teknik memberikan respons bagi soalan dialog mengikut teknik (SPH);

### Situasi 1: Percakapan dengan Orang Biasa

**Soalan:** Kai Ming, tolong cikgu **ambilkan** buku-buku latihan di bilik guru.

**Jawapan:** Baiklah, Cikgu Goh. Saya akan **mengambilkan** buku-buku latihan di bilik guru untuk cikgu.

\*\*\*\*\*

## Situasi 2: *Bercakap dengan Sultan*

**Soalan:** Laksamana, **sediakan** kelengkapan berburu untuk beta.

**Jawapan:** Ampun, tuanku. Patik akan **menyediakan** kelengkapan berburu untuk tuanku.

\*\*\*\*\*

## Situasi 3: *Perbualan Golongan Bangsawan*

**Soalan:** “Datuk Laksamana, **pastikan** perairan negara kita tidak diceroboh oleh lanun-lanun,” kata Datuk Bendahara.

**Jawapan:** Baiklah, Datuk Bendahara. Hamba akan **memastikan** perairan negara kita tidak diceroboh oleh lanun-lanun.

## 9. Soalan cakap ajuk dan cakap pindah.

Soalan: Tulis cakap pindah berdasarkan cakap ajuk di bawah.

### Soalan 1: Cakap pindah

“Tolong ambilkan ibu segelas air sejuk,” kata ibu kepada Mei Ling.

**Jawapan:**

***Ibu menyuruh Mei Ling mengambilkannya segelas air sejuk.***

### Soalan 2: Cakap ajuk

Mei Ling memberitahu Lily bahawa dia akan pergi ke Zoo Negara pada cuti sekolah yang akan datang.

**Jawapan:**

- a) “Lily, saya akan pergi ke Zoo Negara pada cuti sekolah yang akan datang,” kata Mei Ling.
- b) “Saya akan pergi ke Zoo Negara pada cuti sekolah yang akan datang,” kata Mei Ling kepada Lily.

**\*PERHATIAN:** Perkara yang perlu diubah semasa menukar **cakap ajuk** kepada **cakap pindah**.

Cakap Ajuk	Cakap Pindah
saya, aku, hamba	dia, ia, nya, beliau
beta	baginda
kami, kita	mereka
anda, awak, kamu, engkau	saya, dia, nya
dia	dia
beliau	beliau
mereka	mereka
ini	itu
itu	itu
sini	situ, sana, tempat itu
begini, demikian ini	begitu, demikian itu
sekarang	pada masa itu, pada ketika itu
malam tadi	malam yang lepas
hari ini	hari itu
semalam	pada hari semalam
esok	pada keesokan harinya

## 10. Ayat tunggal dan ayat majmuk.

**Soalan 1: Tuliskan dua ayat tunggal.**

1. Saya suka bermain bola di padang.
2. Adik suka bermain bola di padang.

+

**Kata hubung (dan)**

**Soalan 2:** Tulis ayat majmuk berdasarkan dua ayat tunggal yang dinyatakan di atas.

**Jawapan:**

Saya **dan** adik suka bermain bola di padang. (**Ayat Majmuk**)

## 11. Teknik menjawab soalan KBAT (3 Markah)

- Tips:**
1. Fahami kehendak soalan terlebih dahulu.
  2. Kenal pasti jawapan yang sesuai dengan soalan.
  3. Sediakan dua idea utama terlebih dahulu sebelum mula menulis jawapan anda.
  4. Penggunaan **Selain itu**, untuk menulis idea yang kedua.

**Contoh Soalan 1:**

Pada pendapat kamu, bagaimanakah cara untuk menjaga kesihatan diri? (3 Markah)

**Idea yang sesuai dengan tajuk:**

1. bersenam
2. makan makanan yang seimbang

**Jawapan 1:**

Pada pendapat saya, kita boleh bersenam di taman rekreasi pada masa lapang untuk menjaga kesihatan diri. **Selain itu**, kita juga perlu makan makanan yang seimbang agar badan kita mendapat zat yang mencukupi.

**Jawapan 2:**

Pada pendapat saya, cara untuk menjaga kesihatan diri adalah dengan bersenam di taman pada masa lapang. **Selain itu**, kita juga harus makan makanan yang seimbang untuk mendapat zat yang mencukupi.



**Contoh Soalan 2:**

Pada pendapat kamu, mengapakah kita perlu belajar dengan bersungguh-sungguhnya ?  
(3 Markah)

**Idea yang sesuai dengan tajuk:**

1. mendapat keputusan yang cemerlang dalam peperiksaan
2. menggembirakan hati ibu bapa kita

**Jawapan 1:**

Pada pendapat saya, kita perlu belajar dengan bersungguh-sungguhnya **untuk** mendapat keputusan yang cemerlang dalam peperiksaan. **Selain itu**, kita juga dapat menggembirakan hati ibu bapa kita.

---

**Contoh Soalan 3:**

Pada pendapat kamu, apakah yang akan berlaku sekiranya sesebuah keluarga itu tidak mengamalkan keluarga bahagia? (3 Markah)

**Idea yang sesuai dengan tajuk:**

1. pergaduhan antara ahli keluarga
2. tidak dapat hidup dalam sebuah keluarga yang harmoni

**Jawapan 1:**

Pada pendapat saya, pergaduhan antara ahli keluarga akan berlaku sekiranya sesebuah keluarga itu tidak mengamalkan keluarga bahagia. **Selain itu**, kita juga tidak dapat hidup dalam sebuah keluarga yang harmoni.

**Jawapan 2:**

Pada pendapat saya, sekiranya sesebuah keluarga itu tidak mengamalkan keluarga bahagia akan menyebabkan pergaduhan antara ahli keluarga. **Selain itu**, kita juga tidak dapat hidup dalam sebuah keluarga yang harmoni.

## 12. Mengenal Arahan Soalan

### MENGENAL ARAHAN SOALAN BAHAGIAN (B)

NO	KATA KUNCI SOALAN	JAWAPAN
1	Padankan	A •  a
2	Bulatkan	A <b>(B)</b> C D
3	Gariskan	A B <u>C</u> D
4	Tuliskan	<b>Tulis jawapan anda mengikut kehendak soalan</b>
5	Isi Tempat Kosong	Kakak <u>menjerang</u> air.
6	Lengkapkan Frasa @ Ayat	Bagai tikus <u>membaiki labu</u>
7	✓ Betul / Salah ✗	<b>Betul</b> / ✓